



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. XXI. Capitel.

urn:nbn:de:hbz:466:1-34848

Euangelion

Das. XXI. Capitel.

Darnach offenbart Jesus sich aber-
 mal an dem meer Tyberias. Er offenbart sich aber also. Es
 war beyeinander Simon Petrus vnd Thomas/ der da
 heist/ zwilling/ vnd Nathanael von Cana Galilee/ vnd
 die sün Zebedei/ vñ andere zwen seiner jünger/ Spricht
 Simon Petrus zu ihm/ ich will hin fischen geen/ sie sprachen zu ihm/ so wöllt
 wir mit dir geen/ sie giengen hinauf/ vnd tratten ins schiff also bald/ vnd
 in der selben nacht fiengen sie nichts/ Da es aber yetzt morgen war/ stund
 Jesus am vfer/ aber die jünger wüsten nit/ dz es Jesus war/ Spricht Je-
 sus zu ihm/ kinder/ habt jr nit ein anbiß? sie antworten ihm/ Neyn/ Er sprach
 aber zu ihm/ Werfft das netz zur rechten des schiffs/ so werden jr funde/ Da
 wurffen sie/ vñnd kundtens nicht mer ziehen vor der menge der fische/ Da
 spricht der jünger/ welchen Jesus lieb hatte/ zu Petro/ Es ist der herre.
 Da Simō Petrus höret/ das der herre war/ warff er seinen mantel vñ
 im/ denn er war nacket/ vnd sprang inns meer/ Die anderen jünger aber
 kamen vff dem schiff/ denn sie waren nicht ferz vom land/ sond bey zwey
 hundert elen/ vnd zogen das netz mit den fischen. Als sie nün außtratten
 vffs land/ sahen sie kolen gelegt vnd fisch drauff/ vñ brot/ Spricht Jesus
 zu ihm/ Bringet här von den fischen/ die jr yetzt gefangen habt/ Simon Pe-
 trus steyg hinein/ vnd zoch das netz vffs land/ voll grosser fisch/ hundert
 vnd drey vnd fünfzig/ vnd wiewol jr so vil waren/ zerreyß doch das
 netz nicht/ Spricht Jesus zu ihm/ Kompt vnd halt das mal/ Niemandt aber
 vnder den jünger thortste jr fragen/ wer bistu? denn sie wüsten/ das der
 herre war/ Da kompt Jesus vnd nimpt das brot vñnd gibts ihm/ desselbe
 gleichen den fisch/ Das ist nün das drittemal/ das Jesus offenbart ist se-
 nen jüngerem/ nach dem er von den todten vfferstanden ist.
 Da sie nün das mal gehalten hatten/ spricht Jesus zu Simon Petro
 Simon Johanna/ hast du mich lieber/ denn mich dise haben? Er sprach
 zu ihm/ Ja herre/ du weyffest/ das ich dich lieb habe/ spricht er zu ihm/ Wer-
 de meine lemmer/ Spricht er aber zum anderen mal zu ihm/ Simon Joh-
 na hast du mich lieb? Er spricht zu ihm/ Ja herre/ du weyffest das ich dich
 lieb habe. Spricht er zu ihm/ Hüte meiner schaff. Spricht er zum drittem
 mal zu ihm/ Simon Johanna liebest du mich? Petrus ward traurig/ da-
 er zum drittem mal zu ihm saget/ Hast du mich lieb? vnd sprach zu ihm/ He-
 re du weyffest alle ding/ du weyfst das ich dich lieb habe/ spricht Jesus
 ihm/ Weyde meine schaff.
 Warlich warlich sage ich dir/ da du jünger warest/ gürtestu dich sell
 vnd wandelst wo du hin woltest/ wenn du aber alt wirst/ wirst du den
 hende aufstrecken/ vnd ein ander wirt dich gürtten vnd sūrē/ wo du mich
 hin wilt/ dz sagt er aber zu dem drittem mit welcher todter er gott preysē würd
Da

Da er aber dz gesagt / spricht er zu im / folge mir nach / Petrus aber want
 sich vmb / vnd sahe den jünger folgen / welchen Jesus lieb hatte / der auch
 vff seiner brust im abent essen gelegen war / vñ gesagt hatte / Herre / wer
 ist / der dich verradt: Da Petrus disen sahe / spricht er zu Jesu / Herre /
 Was sol aber diser: Jesus spricht zu im / So ich wil / dz er bleibe / bis
 ich komme / was geet es dich an: folge du mir nach / Da gieng ein
 rede auß vnder den brüdern / Diser jünger stirbt nicht / Vnd Je
 sus sprach nicht zu im / Er stirbt nicht / sonß / So ich will / dz
 er bleibe bis ich kome / was geet es dich an: Dis ist der jüng
 er / der von disen dingen zeiget / vñ hat dis geschriben /
 vñ wir wissen das sein zeügnis war ist.

Es seind auch vil andere ding / die Jesus than hat /
 welche / so sie solten eins nach dem anderen geschri
 ben werden / acht ich / die welt würde die bü
 cher nicht begreiffen / die zu schreiben weren.

*

Ende des Euangelion Sancti Johannis.



¶